

白雲閣藏本
木刻版

傷寒雜病論
(二)

傷寒雜病論卷四

漢長沙太守南陽張機仲景述

長安黃維翰竹齋校

溫病脈證并治

溫病有三曰春溫曰秋溫曰冬溫此皆發於伏氣
夏則病暑而不病溫

冬傷於寒其氣伏於少陰至春發為溫病名曰春
溫

夏傷於溼其氣伏於太陰至秋燥乃大行發為溫
病名曰秋溫

氣不當至而至初冬乃大寒燥以內收其氣伏於
厥陰冬至後天應寒而反溫發為溫病名曰冬溫
春秋病溫此其常冬時病溫此其變冬時應寒而
反大溫此非其時而蓄其氣及時不病至春乃發
名曰大溫此由冬不藏精氣失其正春時陽氣外
發二氣相搏為病則重醫又不曉病源為治乃誤
屍氣流傳遂以成疫

病春溫其氣在上頭痛咽乾發熱目眩甚則譫語
脈弦而急小柴胡加黃連牡丹湯主之

小柴胡加黃連牡丹湯方

柴胡 半斤 黃芩 三兩 人參 三兩 枯樓根 四兩

黃連 三兩 牡丹皮 四兩 甘草 三兩 生薑 三兩

大棗 十二枚

右九味以水一斗二升煮取三升去滓溫服一

升日三服

病秋溫其氣在中發熱口渴腹中熱痛下利便膿
血脈大而短澇地黃知母黃連阿膠湯主之不便
膿血者白虎湯主之

地黃知母黃連阿膠湯方

地黃 八兩 知母 四兩 黃連 三兩 阿膠 二兩

右四味以水一斗先煮三味取三升去滓內膠
烱消溫服一升日三服

白虎湯方

見太陽病上

病冬溫其氣在下發熱腹痛引少腹夜半咽中乾
痛脹沉實時而大數石膏黃連黃芩甘草湯主之
不大便六七日者大黃黃芩地黃牡丹湯主之
石膏黃連黃芩甘草湯方

石膏

半斤

碎黃連

三兩

黃芩

四兩

甘草

二兩

右四味以水一斗煮取三升溫服一升日三服

黃芩地黃牡丹湯方

大黃四兩黃芩三兩地黃四兩牡丹皮三兩

右四味以水一斗二升煮取二升去滓分溫二服大便利止後服

病溫頭痛面赤發熱手足拘急脈浮弦而數名曰風溫黃連黃芩梔子牡丹芍藥湯主之

黃連黃芩梔子牡丹芍藥湯方

黃連三兩黃芩三兩梔子十四枚牡丹三兩

芍藥三兩

右五味以水六升煮取三升去滓溫服一升日三服

傷寒論
病溫其人素有溼發熱脣焦下利腹中熱痛脹大
而數名曰溼溫豬苓加黃連牡丹湯主之

豬苓加黃連牡丹湯方

豬苓一兩 茯苓一兩 阿膠一兩 澤瀉一兩

滑石一兩 黃連一兩 牡丹一兩

右七味以水四升先煮六味取二升去滓內膠
烱消分溫再服

病溫舌赤咽乾心中煩熱脈急數上寸口者溫邪
干心也黃連黃芩阿膠甘草湯主之

黃連黃芩阿膠甘草湯方

黃連一兩 黃芩一兩 阿膠一兩 甘草一兩

右四味以水一斗先煮三味取四升去滓內膠烱消分溫三服

病溫口渴欬嗽不止脈浮而數大此溫邪乘肺也黃芩石膏杏子甘草湯主之

黃芩石膏杏子甘草湯方

黃芩三兩 石膏半斤 杏仁十四枚 甘草一兩

右四味以水五升煮取三升去滓溫服一升日

三服

病溫發熱腰以下有水氣甚則少腹熱痛小便赤

數脈急而數下尺中者此溫邪移腎也地黃黃檗秦皮茯苓澤瀉湯主之

地黃黃檗秦皮茯苓澤瀉湯方

地黃六兩 黃檗三兩 秦皮二兩 茯苓三兩

澤瀉一兩

右五味以水八升煮取三升去滓溫服一升日

三服

病大溫發熱頭暈目眩齒枯脣焦譫語不省人事面色乍青乍赤脈急大而數者大黃香蒲湯主之若喉閉難下咽者鍼少商令出血若脈乍疏乍數

目內陷者死

大黃香蒲湯方

大黃

四兩

香蒲

一兩

黃連

三兩

地黃

半斤

牡丹皮

六兩

右五味以水一斗煮取六升去滓溫服二升日

三服

溫病下之大便澹當自愈若下之利不止者必腹

滿宜茯苓白朮甘草湯

茯苓白朮甘草湯方

茯苓

四兩

白朮

三兩

甘草

一兩

炙

右三味以水八升煮取三升去滓溫服一升日
三服

風溫者因其人素有熱更傷於風而為病也脈浮
弦而數若頭不痛者桂枝去桂加黃芩牡丹湯主
之若伏氣病溫誤發其汗則大熱煩冤脣焦目赤
或衄或吐耳聾脈大而數者宜白虎湯大實者宜
承氣輩若至十餘日則入於裏宜黃連阿膠湯何
以知其入裏以脈沉而數心煩不卧故知之也
桂枝去桂加黃芩牡丹湯方

芍藥

三兩

甘草

二兩

生薑

三兩

大棗

十二枚

黃芩 三兩 牡丹皮 三兩

右六味以水八升煮取三升去滓溫服一升日
三服

黃連阿膠湯方見少陰病

病溫治不得法留久移於三焦其在上焦則舌蹇
神昏宜梔子湯其在中焦則腹痛而利利後復痛
脣口乾燥宜白虎加地黃湯其在下焦從腰以下
熱齒黑咽乾宜百合地黃牡丹半夏茯苓湯

梔子湯方

梔子

十六枚

黃芩

三兩

半夏

半斤

甘草

二兩

右四味以水四升先煮梔子取二升半去滓內
三味煮取一升去滓分溫再服

白虎加地黃湯方

即白虎湯加地黃六兩

百合地黃牡丹半夏茯苓湯方

百合

七枚

地黃汁一升牡丹皮

六兩

半夏一升

茯苓

四兩

右五味先以水洗百合漬一宿當白沫出去其
水別以水二升煮取一升去滓別以泉水四升
煮三味取二升去滓內地黃汁與百合汁更上

火令辨溫服一升日三服

傷寒雜病論卷五

漢長沙太守南陽張機仲景述

長安黃維翰竹齋校

傷暑病脈證并治

傷暑肺先受之肺為氣府暑傷元氣寸口脈弱口
渴汗出神昏氣短竹葉石膏湯主之

竹葉石膏湯方

竹葉兩把粳米半升半夏洗斤石膏一斤

人參三兩麥門冬一升甘草炙二兩

右七味以水一斗先煮六味取六升去滓內粳

米煮取米熟湯成溫服一升日三服

傷暑發熱汗出口渴脈浮而大名曰中暍白虎加人參黃連阿膠湯主之

白虎加人參黃連阿膠湯方

知母六兩石膏

一斤綿裹

碎甘草

二兩炙

粳米六合

人參三兩黃連

三兩

阿膠二兩

右七味以水一斗先煮六味米熟湯成去滓內膠烱消溫服一升日三服

傷暑汗出已發熱煩躁聲嘶脈反浮數者此為肺液傷百合地黃加牡蠣湯主之